

**Air Greenland A/S-imi nalinginnaasumik  
ataatsimeersuarnermit imaqarniliaq**

**18. maj 2021 nal. 13.00**

**Oqaluuserisassat ilivitsunik siunnersuutitalit:**

**1. Aqutsisussamik qinersineq**

Siulersuisunit eqqartuussissuserisoq Peter Schriver aqutsisussatut inassutigineqarpoq

**2. Ukiumoortumik nalunaarusiap iluarsisap akuerisassanngorlugu saqqummiunneqarnera**

Ukiumoortumik nalunaarusiap akuerineqarnissaa siulersuisunit inassutigineqarpoq

**3. Ukiumoortumik nalunaarusiaq akuerisaq naapertorlugu sinneqartoorutitik atuinissaq imaluunniit annaasanut matussusiinissaq pillugu aalajangiineq**

Ukiumoortumik nalunaarusiami naatsorsuutit inernerinik atuinissap taaneqartup akuerineqarnissaa siulersuisut ataatsimeersuartunut inassutigaat

**4. Siulersuisunit imaluunniit aktianik pigisalinnit siunnersuutaasinnaasut**

Siulersuisut malittarisassanik allannguissamut siunnersuummik imaattumik saqqummiussaqaqarput:

Ingerlatseqatigiiffiup malittarisassaanni imm. 2.2-mi:

“Kiisalu ingerlatseqatigiiffik takornariaqarnermi suliaqarnissamik siunertaqarpoq, tassungalu angalatitsiveqarneq, akunnittarfinnik ingerlatsineq taamaalillunilu sulianik assingusunik ingerlatsinissaq ilaatinneqarput”.

Ilaatigut siorna Namminersorlutik Oqartussat ingerlatseqatigiiffimmi aktianik tiguserisa kingunerisaanik allannguinerit arlallit naalagaaffiup aktianik

piginneqatigiiffii pillugit maleruagassanut – aalajangersakkanut torersaarnissamut  
eqqarsaateqarfiusunut – ilaalerput,

ilaatigut tamanut aaqqissuisarnermullu tunnganerusunik arlalinnik  
allannguisoqarpoq.

Akissarsiaqartitsinermut politikki Akissarsiaqartitsinermut politikki iluarsaataq, 23.  
marts 2021-mi siulersuisunit suliarineqartoq.

## **5. Siulersuisunut ilaasortassanik qinersineq**

Uku qinigaqqinnissaat siunnersuutigineqarpoq:

Bodil Marie Damgaard, siulittaasutut

Steen Jensen

Malik Hegelund Olsen

Uku nutaamik qinigaapput:

Jens-Jakob Lennert Sandgreen

Malene Lynge

Annette Grønkjær Lings

Siulersuisunut ilaasortat sinneri tassaapput:

Claus Motzfeldt (sulisunit qinigaasoq)

Henrik Maule Steinbacher (sulisunit qinigaasoq)

Tina Chemnitz (sulisunit qinigaasoq)

Sinniisissanngorput:

1. sinniisi Jon Wilche
2. sinniisi Helle Pedersen
3. sinniisi Edd Arne Lund

## **6. Kukkuersiuisussamik toqqaaneq**

Siulersuisuniit PricewaterhouseCoopers Statsautoriseret Revisionspartnerselskab  
aamma Grønlands Revisionskontor A/S Statsautoriserede Revisorer  
kukkuersiuisussatut toqqaarneqarnissat inassutigineqarpoq

## 7. Tamalaat

## IMAQARNILIAQ

### 1 Aqutsisussamik toqqaaneq pillugu

#### Aalajangiineq

Ataatsimeersuarnermi eqqartuussissuserisoq Peter Schriver aqutsisussatut toqqaarneqarpoq.

Aqutsisup paasillugu oqaatigaa:

Ataatsimiigiaqqusineq malittarisassani imm. 5.3 naapertorlugu piffissamik eqquilluni pisimasoq, allakkatigut ataatsimiigiaqqusissut immikkoortunik, malittarisassani imm. 6.2 naapertorlugu oqaluuserisassanut ilanngussassanik imaqartoq aammalu ukiumoortumik nalunaarusiamik kukkunersiuisup atsiugaanik ilaqartinneqartup aktianik piginnittumut ingerlatinneqarsimasoq, ataatsimiigiaqqusissut aktianik piginnittup akuersineratigut e-mailikkut nassiunneqarsimammat,

Ataatsimiigiaqqusinermi ingerlatseqatigiiffinnut inatsimmi § 97, imm. 3 naapertorlugu aktianik piginneqatigiiffinnut naalackersuisunit pigineqartunut malittarisassat malillugit Inuussutissarsiornermut Aqutsisoqarfiup sullissivianut 3. maj 2021-imi nassiunneqarsimasoq tamanullu ammasumik saqqummiunneqarsimasoq,

Ukiumoortumik nalunaarusiaq, kukkunersiuisup atsiugaa qullersaqarfimmit siulersuisunillu atsiorneqartoq ataatsimeersuarnissaq sioqqullugu ingerlatseqatigiiffiup allaffiani aktianik piginnittumit takuniarneqarsinnaalluni saqqumitinneqarsimasoq,

Ingerlatseqatigiiffimmi sulisut ataatsimiigiaqqusineq pillugu nalunaarfigineqarsimasut, aamma

Aktiaticigut aningaasaatit tamarmiusut Naalackersuisut siulittaasuannit Múte B. Egede-mit sinniisuuffigineqarlutik pigineqartut.

Aqutsisoq aperivoq, ataatsimeersuarneq unioqqutitsinerunngitsutut isigineqarsinnaananut akerliusoqarnersoq. Oqaaseqaateqartoqanngilaq.

Taamaattumik aqutisup nalunaarutigaa, ataatsimeersuarneq unioqqutitsinerunngitsoq aammalu aalajangiinissamut piginnaaneqarfiusoq.

Ataatsimeersuarneq aallarnerlugu Naalakkersuisut Siulittaasuat Múte B. Egede imatut oqalugiaateqarpoq.

Asasakka tamassi,

Aallarniutigalugu Naalakkersuisut sinnerlugit sulisut, qullersaqarfik siulersuisullu ukiumi qaangiuttumi sulillaarsimanerinit qutsavigerusuppakka. Ukioq 2020 ukiummat immikkuullarissoq qularineqarsinnaanngilaq, tassanilu ingerlatseqatigiiffiutigit arlallit Coronap nunarsuarmi ilungersunartorsiortitsineranit sunniuteqarfigineqarsimapput, kiisalu tamanna ingerlatseqatigiiffinnut ataasiakkaanut sunniuteqarsimalluni.

Paasigakku nuannaarutigaa, ingerlatseqatigiiffiutigit taamatut unammilligassaqaraluarlutik aniguisinnaasimasut, aammalu nukittorsimallutik ingerlaqqinnissamut piareertut. Kalaallit Nunaata inuiaqatigiillu kalaallit ineriartornissaat pingaaruteqarpoq, ingerlatseqatigiiffiillu tamatumunnga tapersiinissaat atorfissaqartipparput.

Naalakkersuisuniit ataatsimeersuarnermi matumani ingerlatseqatigiiffinnut eqqaasitsissutigissavara, innutaasunit kalaallinit pilersinneqarsimagassi pigineqarlusilu, kiisalu piginnittut soqutigisaannik isumaginnittussaagassi, aammalu immikkoortunut politikikkut inissisimaffiit, ingerlatseqatigiiffiit ataasiakkaat pilersinneqarfigisimasaat immersortussaagassigit.

Piginnittut sinnerlugit Naalakkersuisunit kissaatigineqarpoq, ilissi ingerlatseqatigiiffittut ingerlalluassasusi patajaatsuussasusilu, kisiannili aamma eqqarsaqqissaasi, ilissinnit amerlanerit pingaartumik ilissi nammineerlusi piginnittussinnit – inuiannit kalaallinit – aningaasanik isaatitsisussaagassi.

Taamaattuik aktianik piginneqatigiiffiit

Taamaattuik aktianik piginneqatigiiffiit, Namminersorlutik Oqartussanit pigineqartut inuiaqatigiinnut tapertaaginnarnissaat Naalakkersuisunit ersarissumik piumasarineqarpoq. Naalakkersuisut tungaanniit siunissami qanoq iliorlutik ingerlatseqatigiiffiit ataasiakkaat inuiaqatigiinnut kalaallinut ikiuunnissamut nukittunerulersissinnaaneraat annertunerusumik aallunniarneqarpoq.

Tapiliussasi pingaaruteqarput, aammalu suliniutisi Kalaallit Nunaata inuiaallu kalaallit ineriartornerisa ingerlaannarnissaannut iluaqutaassapput. Isumassarsianik periarfissanillu nutaanik pilersitsiniarluta ataatsimoorluta suliuarnissarput, taamaalillutalu siunissamik inuiaqatigiinnillu imminnut nammattunik – nunamik inunnillu tulluusimaarfiusunik – pilersitsinissaanissarput pingaaruteqarpoq.

Siunissami piginnittut, inuiaat kalaallit, annertunerusunik suliniuteqarfigneqarnerini suleqatiginissassinnut qilanaarpugut.

Ingerlatseqatigiiffiit ammasumik sulinissaat, aammalu CSR-imik (corporate social responsibility), piujuartitsinissamik qanorlu iliorlutik inuiaqatigiinnut tapertaanissaannut anguniagaqarfiusumik aallussinissaat Naalakkersuisunit pingaartinneqarpoq.

Ingerlatseqatigiiffiit ataasiakkaat CSR-imut suliniutiminnik saqqummiusseqqullugit, taamaalillunilu taakku ingerlatseqatigiiffiup nittartagaatigut tamanut ammasumik saqqummiunneqarnissaat, aammalu ingerlatseqatigiiffiit qanoq iliorlutik inuiaqatigiinnut tapersiisimanersut tamanit takuneqarsinnaalernissaa anguniaqqullugu kaammattorusuppakka.

Taamatuttaaq Naalakkersuisut ingerlatseqatigiiffiit sinneqartoorutimik nukimmilluunniit ilaannik nuussisinnaanissaanik tunngavissanik siuarsaarusupput:

- Meeqqanut, inuusuttunut ilaqutariinnullu suliniutit. Tamatumunnga aningaasaqarnikkut suliniutit imaluunniit CSR-imut suliniutit aqutigineqarsinnaapput.
- Kulturimut, eqqumiitsuliornermut timersornermullu suliniutit annertunerusut. Ilaatigut Eqqumiitsuliornermut Aningaasaqarnermut, timersortartunut, soorlu GIF-imut aamma Elitesport Greenland-imut tapiinikkut. Imaluunniit CSR-imut suliniutit aqutigalugit.

Suli Kalaallit Nunaanni sumiiffinni arlalinni inissianik amerlanerusunik pisariaqartitsisoqarpoq, isumaqarpungalu aktianik piginneqatigiiffiit, Namminersorlutik Oqartussanit pigineqartut tamatumunnga atatillugu ikiuussinnaasut, tassami nalunngereerpara, ilissinni ilasi aqutissanik taamaattunik eqqarsareertut pilersaaruteqalereerlutillu. Taamaattumik ingerlatseqatigiiffiit siunissami qanoq iliorlutik ataatsimoorlutik inissianik, piumanninnermut annertuumut iluaqutaasinnaasunik sanaartorsinnaanersut pillugu ingerlatseqatigiiffiit pisortai oqaloqatigaakka. Pisortat qinnuigissavakka, ingerlatseqatigiiffik suliffigisartik qanoq iliorluni suleqatigiinnermut taamaattumut ilaalersinnaanersoq, imaluunniit qanoq iliorluni inuiaqatigiinni unammilligassanut arlaatigut iluaqutaasinnaanersoq, taamaalillutalu siunissami qanittumi suliniutinik taamaattunik aallartitsisinnaanersugut eqqarsaatigeqqullugu.

Naalakkersuisut pimoorussipput, aammalu inuiaat kalaallit siunissamut qulakkeerinissamik piujuartitsiviusumillu tunngaveqarnissamik pilersitsiviginiarlugit sulivugut. Inuiannut kalaallinut atugassarititaasunik taamaattunik pilersitsinissaq pisortat kisimik suliassarinnigilaat. Taamaattumik neriuppunga ingerlaqatigiiffiit pisortaanut sallinngorumaartusi, periarfissanillu taamaattunik atuinissaq salliutikkumaarissi, aammalu ingerlatseqatigiiffiit pisariaqartinneqartunik tapersiinissaat qulakkeerumaarissi.

Inuiaqatigiit nukittuppata ilissi tamassi suli nukittunerulertussaagassi Naalakkersuisut taamatut piumasaqarput. Tamatta ilivitsuusumik eqqarsassaagut, immikkoortitaarlutalu sulissanngilagut.

Ingerlatseqatigiiffiit tapersiarnnerisa aamma ingerlatseqatigiiffiutigut qanoq iliorlutik kalaallinik inuusuttunik pikkorissunik sulisussarsiortarnernerminnik ingerlatsiinnartarisa pitsaasumik erseqqissaatigineqarnissaat Naalakkersuisuni kissaatigaarput. Ingerlatseqatigiiffiutitta najukkanit aallaaveqarnissamik, kiisalu sulisussarsiortermermi sapinngisamik najukkamiit pissarsiortarnermi salliutitsisarnissamik aallussinissaat pingaaruteqarpoq. Aamma ingerlatseqatigiiffiit namminneerlutik suliassaqarfimmini piginnaaneqarfinnut ilinniartitsinermik kivitsisarnermillu aallusineri isiginiarneqarpoq.

Kisiannili tamanna pitsaanerulaartumik ingerlassinnaanerlutigu? Naalakkersuisut taama isumaqarput, taamaattumillu sulisussat najugaqavissut aamma pisortatut atorfinnut atorineqartarnissaat, aammalu pissutsit pequtaallutik sipaarniarnissaq soraarsitsinissarlunniit avaqqussinnaanngikkussigit najugaqavissut siullertut eqqugaannginnissaat anguniarlugu suliniuteqartariaqarpusi.

Oqaatigineqareersutut inuiaat kalaallit ingerlatseqatigiiffiutaasa inuiaqatigiinnut tapersiarnnerinik nukittortitsinissaq qanoq iliorluni anguneqarsinnaanersoq Naalakkersuisut aallunnerulertussaavaat, taamaattumik piginnittuunermut politikkimik, tikeriaannarnik tunngaveqarnissamik ataqqinniffiusumik aallartitserusuppugut, tamatumalu peqatigisaanik ingerlatseqatigiiffiit piginittut soqutigisaat malillugit eqqumaffiginnikkusulluta.

Taamatut oqaaseqarlunga ingerlatseqatigiiffimmi siulersuisut, qullersaqarfik sulisullu ukiumi aggersumi sulilluarnissaannut kissaakkusuppakka.

Qujanaq!



## 2 Ukiumoortumik nalunaarusiap iluarsisap akuerisassanngorlugu pillugu saqqummiunneqarnera

Aqutsisup

Aqutsisup ukiumoortumik nalunaarusiami ingerlatseqatigiiffiup suliai pillugit nassuiaat innersuussutigaa. Aamma ukiumoortumik nalunaarusiami ingerlatseqatigiiffimmi pingaarnermi taamatullu suliffeqarfissuup angusat oqimaaqatigiissitsinerillu innersuussutigai.

Tamatuma kingorna nalunaarut una siulittaasup saqqummiuppaa:

Immikkoortut pingaarnert

- **Covid-19** Kalaallit Nunaannut Air Greenlandimullu eqquimmat
- **Timmisartunik nutarterineq** – toqqammavigut
- **Aningaasalersuineq** – qularnaveequtigut
- **Sulisut** – siunissagut
- **Siulersuisut/piginnittut/inuit tamat + naggasiineq**

### **Covid-19**

Kikkut tamarmik Covid-19 susassallugu qatsutilaarunaraluaaraat, ukioq 2020 nunarsuaq tamakkerlugu nunarsuarmi nappaatip tuniluunnerata inunnut, inuiaqatigiinnut suliffeqarfinnullu, taamaalillunilu aamma Air Greenlandimut eqquibera peqqutigalugu sutigit tamatigit eqqaamaneqartussaammat avaqqussinnaanngilarput.

Piffissami siullermi nunarsuarmi tuniluunneq ingerlatseqatigiiffitsinnut qanoq annertutigisumik eqquissanersoq annertuumik toqqissisimanngiffiuvoq nalorniffiullunilu. Taamaattumik pingaartumik akiliisinnaassutsitta ingerlatseqatigiiffiullu piuginnarnissaa salliutillugu aallupparput. Siulersuisut qullersaqarfik qallillugu sulipput aammalu pissutsit isumagisinnaaniarlugit ullormoortumik ataatsimiittarput. Taamatuttaaq oqartussaasunut ataqatigiissarineq annertusineqarpoq, aammalu Namminersorlutik Oqartussat pitsaasumik pilersitsiviusumillu suleqatigineqarnerat aallartinneqarpoq. Ullualuit ingerlanerini Covid-19-imut misissuinerimi tigusat, allakkat, nassiussat, sulisut

pisariaqartinneqartut napparsimasunillu angallassinerit isumaginissaannut ajornartoornermi upalungaarsimasunik pilersitsinissaq iluatsinneqarpoq. Taamaattumik sulisut oqartussaasullu eqqugaasut tamarmik sulilluarsimanerannut, pingaartumillu suleqatiginnissuseqarluarnerannut qutsavigineqarput.

2020-mi marsip qiteqqunnerani niuernermit tunngaveqarluni angallannerup matuneqarnerani, suliffeqarfiup naleqqussaansaata pisariaqartoq erngerluni ersarissivoq. Tamanna pissutigalugu 2020-mi maajip naanerani piginnaasanik naleqqussaaneq annertunerusoq ingerlanneqarpoq, tasanilu ajorluartumik sulisut amerlasuut soraarsinneqarput. Taamani neriussimagaluarpuq, nunarsuaq tamakkerlugu tuniluunneq 2020-mi aasakkut annikilliumaartoq, kisiannili tamanna ajorluartumik eqquutinnigilaq. Taamaammatt aamma pisortat sulisullu siusissukkat aningaasartuutit annertuumik ikilitsinissamik iluatsinissaat pingaaruteqarsimavoq. Qujanartumik ajornartoornermi upalungaarsimasoqarnerani, piffissaagallartumi annertuumillu piginnaasanik, kiisalu niuerfinnik sunnertianniginnerusunik naleqqussaannermi, ingerlatseqatigiiffik ajornartoornerup ukiuani siullermi anigeeqqatarpoq..

### **Timmisartunik nutarterineq**

Corona nunarsuarmi tuniluukkualuortoq, tamannalu artorsartitsigaluartoq, siulersuisut erngerlutik isumaqatigiipput, siunissami toqqammavigut qulakkeerniarlugit timmisartunik nutarterinermit suliat ingerlateqqinneqassasut.

2019-imi maajimi piginnittut nikimmatali, timmisartut tamangajammik taarsorsorneqarnissaat pisortanit siulersuisunillu pingaarnertut salliutinneqarsimavoq. Tamatumunnga timmisartut agguaqatigiissillugu pisoqaassusaat qaffasissorujussuaq pequtaavoq, tamannalu ilaatigut teknologiit pisoqalisimanerit isumaqarpoq, kisiannili aamma aserfallatsaaliuinnermut ikummatissamullu aningaasartuutit qaffasinnerujussuat pequtaalluni. Aningaasartuutissanut taakkununnga aningaasaqarnerinnaq aallaavigineqannigilaq, kisiannili aamma Air

Greenlandip piujuartitsinissamik isummertarneranut, aammalu piginnitsitta siunissamut naleqartitaannut kissaataannullu naleqqutinnginnerat aallaavigineqarpoq.

Taamaattumik aamma ullumikkut ukioq 2020-mut qiviarnissaq imaannaanngitsuvoq, tassanilu annaassiniartarnermi (ulluinnarni SAR-imik – Search and Rescue taaguutilimmi

Taamaattumik aamma ullumikkut ukioq 2020-mut qiviarnissaq imaannaanngitsuvoq, tassanilu qujanartumik annaassiniartarnermi (ulluinnarni SAR-imik – Search and Rescue-mik taaguutilimmi Danskít Naalagaaffiannut isumaqatigiissuteqaratta, qulimiguullit H225 all-weather SAR-it marluk atorsinnaalersimavagut. Tamatuma saniatigut Namminersorlutik Oqartussanut kiffartuussinnermut isumaqatigiissutit, ukiunut qulinut atuuttussat pillugit isumaqatigiissuteqarpugut, taamaalillutalu qulimiguulinnik H155-inik arfinilinnik, B212-inut maanna atorpeqartunut, agguaqatigiissillugu ukiut 40-t sinnerlugit pisoqaassusilinnut taartissanik pisinissamut aningaasaliisinaalersimavagut. 2020-mi decembarimi killiffimmik annerusumik allamik angusaqarpugut, tassanilu Airbus A330neo-p nutaarluinnaap, maanna timmisartutsinnut A330-mut, inuit akornanni Norsaq-mik taaneqartartumut taartissap inaarutaasumik pisiarinissaanut atsiorpugut. A330neo nutaaq timmisartunik allanik taarsersuinnermut peqatigitillugu ingerlatseqatigiiffiup sullissinerata siumut ukiorpassuarni unammilleqataanissatsinnut qulakkeeriffiusumik aallaavigisussaavarput.

### **Aningaasalersuineq**

Timmisartunut periusissiornerup malitsigisaanik ingerlatseqatigiiffik 1 milliard korusut sinnerlugit aningaasaliiniarluni aalajangerpoq, taamaattumillu 2020-mi aningaasaliissutissanut tunngasut suliarineqarneri assoruunneqarsimapput. Timmisartuutleqatigiiffittut, nunarsuarmi tuniluuttoqarnerani annikitsuinnarmik angallassisutut aningaasaliissutinik qulakkeerinissaq imaannaasimanngilaq, kisiannili qujanartumik siunnersortit, pisortat uteriitsut aningaasaliisullu, Kalaallit Nunaannut ingerlatseqatigiiffimmu upperinnittut peqqutaallutik Amerikami inuussutissarsiornermi pappiaqqanik nalilinnik

niueruteqartarfimmi, US Private Placement-imi, aammattaaq USPP-mik taagorneqartumi aningaasaliissutissat pisariaqartinneqartut qulakkeerneqarsinnaasimapput. Taamaattumik iluarisimaarluarlugu oqarsinnaavunga, Air Greenland ukiorpassuarnut tulliuuttunut atugassarititaasut pilerinartut, ingerlatseqatigiiffiup siunissami pitsaasumik inissinneranik kinguneqartussamik tamakkiisumik aningaasalersuiffiqarneqarnissamut qulakkeeriffiqarneqarmat. Amerikami aningaasalersuisarnermik inuussutissarsiuteqartut ingerlatseqatigiiffik upperiniinnaratik, aammali Kalaallit Nunaata ineriartornermit sunnersimaneqarneranik upperinninnerat siunissamut neriulersitsivoq.

### **Sulisut**

Aamma kikkunuku siunissaq pilersinniaaraat, siunissamilu atuisut nuannaarnissaat iluarisimaarinninnissaallu qulakkeerniaaraat? Tassaapput sulisugut. Air Greenland pikkorissunik piginnaanilinnilu arlalinnik sulisoqarpoq, aammalu piginnaaneqarfinnik ineriartortitsineramik, pisortanik ineriartortitsineramik, piginnaanilinnik ineriartortitsineramik sulinerminik annertusititsisimavoq, taakku aqqutigalugit ingerlatseqatigiiffiup immikkoortuini tamani piginnaaneqarfiit ineriartortittuarnissaat aallaaveqarnissaallu qulakkeerniarlugu. Kiisalu suliniutinik arlalinnik, ingerlatseqatigiiffimmi assigiinngissitaarnerit amerlassutsillu annertusinissaannut iluaqutaasussanik aallartitsisoqarpoq. Suliniutit taakku qullersaqarfimmiit pisortat nalunaarutaanni taassavaat, tamatumalu saniatigut CSR-imut nalunaarusiaq, nittartakkatsinni pissarsiarineqarsinnaasoq innersuussutigisinnaavara.

### **Siulersuisut/piginnittut/inuit tamat + naggasiineq**

Siulersuisut eqqarsaatigalugit ukiumi qaangiuttumi pitsaasumik patajaatsumillu suleqatigiittoqarpoq, aammalu ingerlatseqatigiiffimmi Ingerlatseqatigiiffimmik Aqutsinermit Pitsaasumut malittarisassat, kiisalu nunarsuatsinni avatangiisumi ersarissumik pissuseqarnissamut naatsorsuutigisat, ilaatigut ullormut oqaluuserisassani, ilaatigullu ingerlatseqatigiiffiup nittartagaani, allagaatinik attuumassutilinnik tamanut ammasumik saqqummiussiviusumi allassimasut malinneqarnissaat qulakkeerniarlugu suliniuteqartoqarpoq.

Taamaattumik Coronap sunniutai atuukkaluartut siulittaasutut iluarisimaarinnillunga 2020-mut Ukiumoortumik Nalunaarusiaq saqqummiuppara, aammalu ingerlatseqatigiiffiup ukiuni tulliuuttuni pitsaasumik ineriartornissaanut malinnaanissannut qilanaarpunga. Jacob-ip ukiumoortumik nalunaarusiamik saqqummiussilluni oqaaseqannginnerani periarfissaq manna iluatsillugu aktianik piginnittut sulisullu ukiumi, ingerlatseqatigiiffiup oqaluttuarisaanerani artornarnerpaatut taaneqarsinnaasumi sulillaarsimanissinnut suleqatigiillaarsimanissinnullu qutsaviginiarpassi.

Tamatuma kingorna pisortaanerup ingerlatseqatigiiffimmi suliat saqqummiuppai aammalu 2020-mut ukiumoortumik nalunaarusiaq saqqummiullugu.

Aqutsisoq erseqqissaavoq, ukiumoortumik nalunaarusiami malittarisassani § 9.3 naapertorlugu akissarsiarititassanik immikkoortitsisoqartoq, tassanilu siulersuisut tamarmiusut siulersuisunut ilaasortaanerminnut ukiumut akissarsiaqartinneqarput, Namminersorlutik Oqartussani malittarisassatut aalajangersarneqartuni akissarsiarititassat, sukkulluunnit atuuttut annertoqataannik. Akissarsiarititassat imatut annertussuseqarput:

- Siulersuisuni siulittaasoq kr. 365.000
- Siulittaasup tullia kr. 182.000
- Siulersuisuni ilaasortat sinneri kr. 130.000

Tamatuma kingorna aqutsisup oqaatigaa, ataatsimeersuarnermi siulersuisut nalunaarutaat tusaatissatut tiguneqartoq, 2020-mut ukiumoortumik nalunaarusiaq akuerineqartoq, kiisalu akissarsiarititassatut siunnersuutigineqartut akuerineqartut.

**3** **Ukiumoortumik nalunaarusiaq akuerisaaq naapertorlugu**  
**pillugu sinneqartoorutitik atuinissaaq imaluunniit annaasanut**  
**matussusiinissaaq pillugu aalajangiineq**

Aqutsisoq ilisimatitsivoq, ukiumoortumik nalunaarusiami angusat agguarneri taaneqartut ataatsimeersuarnermi akuerineqarnissaat siulersuisunit inassutigineqarpoq, tassanilu akileraareernermi ukiumut angusat 30.607.000 koruuniusut imatut atorneqassapput,

- kr. 16.592.000-it qaffaatissanut ilanngaaseriikkanut sillimmatinik ikilisitsissutaassapput
- kr. 47.199.000-it ukiup tullianut nuunneqassapput

**Aalajangiineq**

Aqutsisoq oqarpoq, ataatsimeersuarnermi ukiumoortumik nalunaarummi angusat atorneqarnissaannut siunnersuutit akuerineqartut.

**4** **Siulersuisunit imaluunniit aktianik pigisalinnit siunnersuutaasinnaasut**  
**pillugu**

- a) Ingerlatseqatigiiffiup malittarisassaanut allannguutissatut siunnersuut.

Aqutsisup oqaatigaa, sulersuisut malittarisassanut allannguutissatut siunnersuutaat, uunga tunngasoq tigummineqartoq

Ilaatigut ingerlatseqatigiiffiup siunertaanik erseqqissaaneq, tassanilu malittarisassani imm. 2.2-mi una ilassutigineqarpoq:

“Kiisalu ingerlatseqatigiiffik takornariaqarnermi suliaqarnissamik siunertaqarpoq, tassungalu angalatitsiveqarneq, akunnittarfinnik ingerlatsineq taamaalillunilu sulianik assingusunik ingerlatsinissaaq ilaatinneqarput”.

Ilaatigut Namminersorlutik Oqartussat ingerlatseqatigiiffimmi aktianik tigusineranut atatillugu allannguutit arlallit aktianik piginneqatigiiffinnut, naalagaaffinnit pigineqartunut maleruagassanut ilanngunneqarput – aalajangersakkat torersaarnissamut tunngasut,

Ilaatigut tamanut allannguutit tamanut tunnganerusut aaqqissuussaanermullu tunngasut arlaqarput.

Aqutsisup allannguutissatut siunnersuutit, ataatsimiigiaqqusinermit ilanngullugit nassiunneqartut innersuussutigai.

### **Aalajangiineq**

Aqutsisup oqaatigaa, ataatsimeersuarnermit malittarisassanut allannguutissatut siunnersuutit akuerineqartut.

b) Akissarsititsisarnermut politikkimut siunnersuut.

Aqutsisup akissarsititsisarnermut politikki, 23. marts 2021-mi siulersuisunit suliarineqartoq, ataatsimiigiaqqusinermit ilanngullugit nassiunneqartut innersuussutigaa.

### **Aalajangiineq**

Aqutsisup oqarpoq, ataatsimeersuarnermit akissarsititsisarnermut politikki tusaatissatut tiguneqartoq.

## **5 Siulersuisuni ilaasortassanik qinersineq pillugu**

Aqutsisup ilisimatitsissutigaa, siulersuisuni ilaasortassanut, ataatsimeersuarnermit qinigaasunut piffissaq qinigaaffiusoq ukiumik ataatsimik sivisussuseqartoq, taamaattumillu ilaasortat, ataatsimeersuarnermit qinigaasimasut tamarmik ataatsimeersuarnermit qinigassanngorteqqittut. Aqutsisup ilisimatitsissutigaa, siulersuisuni ilaasortat, ataatsimeersuarnermit qinigaasut tassaasut:

- Bodil Marie Damgaard (siulittaasoq)
- Steen Jensen (siulittaasup tullia)
- Jette Larsen
- Annette Pia Brøndholt Sørensen
- Malik Hegelund Olsen

Aktianik piginnittup siulersuisuni ilaasortatut uku qinigaqqinnissaannut siunnersuutaa pigineqarpoq:

- Bodil Marie Damgaard, tassani siulittaasutut
- Steen Jensen, og

-Malik Hegelund Olsen,

aamma uku nutaamik qinigaassasut:

-Jens-Jakob Lennert Sandgreen

-Malene Lynge, aamma

-Annette Grønkjær Lings

Aqutsisup erseqqissaatigaa, malittarisassani imm. 9.1 naapertorlugu ilaasortat ataatsimeersuarnermi qinigaasut pingasuniit arfinilinnut amerlassuseqartussaasut, taamaattumillu piukkussatut siunnersuutigineqartut tunngavigalugit malittarisassat naammassineqartut.

Aqutsisup oqaatigaa, ilaasortassatut siunnersuutigineqartut suliffeqarfinni inuussutissarsiornermik ingerlataqarfiusuni allani pisortatut atorfi pillugit paasisutissat pigineqartut, tak. Ingerlatseqatigiiffinnut inatsimmi § 120, imm. 3.

### **Aalajangiineq**

Tamatuma kingorna aqutsisup oqaatigaa, ataatsimeersuartut akuersinerisigut piukkussat siunnersuutigineqartut tullianik nalinginnaasumik ataatsimiinnissap tungaanut atuuttussatut qinigaasut, tamatumalu kingorna ingerlatseqatigiiffiup siulersuisuinut ilaasortat tassaalersut:

- Bodil Marie Damgaard, siulittaasoq

- Steen Jensen

- Malik Hegelund Olsen

- Jens-Jakob Lennert Sandgreen

- Malene Lynge

- Annette Grønkjær Lings,

aammalu ilaasortat sulisunit qinigaasut tassaalersut:

- Claus Motzfeldt (sulisunit toqqagaasoq)

- Henrik Maule Steinbacher (sulisunit toqqagaasoq)

- Tina Chemnitz (sulisunit toqqagaasoq)



Tamatuma saniatigut ilaasortanut sulisunit toqqagaasunut uku sinniisissanngorput:

- Sinniisissaq siulleq Jon Wilche
- Sinniisissaq tulleeq Helle Pedersen
- Sinniisissat pingajuat Arne Edd Lund

Ilisimatitsissutigineqarpoq, ilaasortat sulisunit toqqagaasut 12. april 2021-mi qinersinermi sulisunit qinigaasimasut, aammalu sulisut sinniisissaannik qinersineq nalinginnaasoq tulleeq 2025-mi apriliimi pisussaasoq.

Aqutsisup oqaatigaa, malittarisassat suleriaasissarlu naapertorlugit siulersuisut ataatsimeersuarnerup kingorna siulittaasup tullissaanik qinersinertalimmik inissititerlutik ataatsimiissasut.

## **6 Kukkunersiuissamik toqqaaneq pillugu**

Aqutsisoq ilisimatitsivoq, malittarisassani imm. 11.2 naapertorlugu kukkunersuisut ukiut ataasiakkaarlugit atuuttussatut toqqagaasartut.

PricewaterhouseCoopers Statsautoriserede Revionspartnerselskab aamma Grønlands Revisionskontor A/S Statsautoriserede Revisorer toqqagaaqqissasut siunnersuutigineqarpoq.

### **Aalajangiineq**

Aqutsisup oqaatigaa ataatsimeersuarnermi akuersineq tunngavigalugu PricewaterhouseCoopers Statsautoriserede Revionspartnerselskab aamma Grønlands Revisionskontor A/S Statsautoriserede Revisorer ingerlatseqatigiiffiup kukkunersiuissuisut toqqagaaqqittut.

## **7 Tamalaat pillugu**

Naggasiutigalugu aqutsisoq aperivoq, Tamalaat ataani oqaaseqartoqarusunnersoq.

Naalakkersuisut Siulittaasuata Múte B. Egede-p ingerlatseqatigiiffik,  
ingerlateqatigiiffiup pisortai sulisuilu sulilluarnernut aammalu  
angusaqarluarsimanernut qutsavigai.

Bodil Marie Damgaardip aktianik piginnittoq suleqatigiilluarnernut  
qutsavigaa.

Aqutsisoq oqarpoq, taakku saniatigut immikkoortumi tassani allanik  
oqaaseqaatissaqartoqanngitsoq, ataatsimeersuarnerlu naammassisutut  
nalunaarutigalugu.

Taamaalilluni naammassivoq.

Aqutsisutut:

---

Eqqartuussissuserisoq Peter Schriver